

金
石
萃
編

金石萃編卷五十三

賜進士出身 誥授光祿大夫刑部右侍郎加七級王昶撰

唐十三

平百濟國碑

此碑或磨崖或碑石皆不可知除額一行不計外橫廣約四丈六尺二寸高五尺二寸五分共計一百二十七行前七十九行行皆十六字後三十八行行皆二十字正書篆額

大唐平百濟國碑銘

洛州河南權懷素書

原夫皇王所以朝萬國制百靈清海外而舉天維宅寰中而恢地絡莫不揚七德以馭遐荒耀五兵而肅邊徼

雖質文異軌步驟殊途揖讓之與干戈受終之與革命
皆載勞神武未暇佳兵是知汨水掘祇九窠遂戮洞庭
搆送三苗已誅若乃式鑿千齡緬惟萬古當塗代漢典
午承曹至於任重鑿門禮崇推轂馬伏波則鑄銅交趾
寶車騎則勒石燕然竟不能覆緹海之奔鯨絕狼山之
封豕況丘樹磨滅聲塵寂寥圓鼎不傳方書莫紀蠶茲
卉服竊命鳥洲襟帶九夷懸隔萬里恃斯險阨敢亂天
常東伐親鄰近遼 明詔北連送豎遠應梟聲況外
棄直臣內信祇歸刑爵所及唯在忠良寵任所加必先
諂倖探梅結怨杆軸衝悲我 皇體二居尊通三表

極珠衡毓慶日角騰輝揖五瑞而朝百神妙萬物而乘
六辯正天柱於西北廻地紐於東南若夫席龍圖襄風
紀懸金鏡齊玉燭拔窮鱗於涸轍拯危卵於傾巢哀此
遺卬憤斯兇醜未親吊伐先命元戎使持節神丘竭夷
馬韓熊津口一十四道大捻管左武衛大將軍上柱口
邢國公蘇定方疊遠構於會城派長瀾於委水叶英圖
於武帳標秀氣於文昌架李霍而不追俯彭韓而高視
趙雲一身之膽勇冠三軍關羽萬人之敵聲雄百代捐
軀殉國之志冒流鏑而逾堅輕生重義之口口口口而
難口心懸冰鏡鬼神無以祕其形質過松筠風霜不能

改其色至於□□□撫邊夷慎四知去三惑顧冰泉以
表深□霜栢以凝貞不言而台詩書不行而□□□將
白雲而其爽與青松而競□遠□□□威有慙德副大
揔管冠軍大將軍□□□衛將軍上柱國下博公劉伯
英上□□□□□□□廊廟之才□將相之器言爲
物範行成上則詞溫布帛氣馥芝蘭積著旗常調諧鍾
律重平生□□□輕尺璧於寸陰破隗之勲常□不足
平□之策□未涉言副大揔管使持節隴州諸軍事隴
州刺史上柱國安夷公□□□□□舉雄圖□六藝
通二略□□□□□□□能令魏軍止渴無勞□□

□□□□□副大總管左領軍將軍金□□□□温
雅器識沉毅無小人之細行有君子之高風武旣止戈
文亦柔遠行軍長史中書舍人□□縹雲翹吐秀日鏡
揚輝風偃眉神道光雅俗鑒清許郭望重荀裴辯箭騰
□□九流於學海詞□發穎掩七澤於文□□太傅之
深謀未堪捧轡杜鎮南之遠略□可扶輪□□鳳池或
清鯨壑邢國公運祕鑿捻驍雄陰羽開偃月之圖陽文
含曉星之氣龍韜豹鈐必表於情源靈女黃公咸會於
神用況乎稽天曦聚□地蜂飛類短狐之含沙似長蛇
之吐霧連營則豺狼滿道結陣則梟鏡彌山以此兇徒

守斯窮險不知懸縷將絕墜之以千鈞累碁先危歷之
以九鼎于坳秋草衰而寒山淨涼颯舉而敘氣嚴逸足
與流電爭飛疊鼓共奔雷競震命豐隆而後殿控列勢
以前驅汰氣祇氛掃之以戈戟崇墉峻堞碎之以衝口
監口軍揔管右屯衛郎將上柱國祝口口右一軍揔管
使持節湖州刺史上柱國口元嗣地處開河材包文武
挾山西之壯氣乘冀北之浮雲呼吸則江海停波嘯咤
則風雷絕響竭夷道副揔管右武衛中郎將上柱國曹
繼叔久預 經綸備嘗艱險異廉頗之強飯同充國之
老臣行軍長史岐州司馬杜爽質耀瑋峯芳流桂晚追

風箭電騁逸轡於西海排雲擊水搏勁翻於南溟驥足
旣申鳳池可奪右一軍捻管宣威將軍行左驍衛郎將
上柱國劉仁願資孝爲忠自家刑國早聞周孔之口晚
習孫吳之書旣負英勇之才仍兼文吏之口邢國公奉
緣 聖旨委以斑條□□金如粟而不窺馬如羊而
不顧右武衛中郎將金良齒左一軍捻管使持節沂州
刺史上柱國馬□□□□□□之□□□□□□□□□□之
□□□□□□□□郡□良 邢國公□奉 神□□□
尊節度或發揚蹈厲或後勁先鋒出天入地之奇千變
萬化□□□□之□電發風行□□□□英聲蔽路

邢國公□□□□甚投醪逆命者則肅之以秋霜歸
順者則□之以春露一舉而平九□□而□三韓□
□擊之□□則千城仰德發□□之飛箭則萬里銜恩
□□□□及太子降□□王餘孝一十三人并大
首領大佐□□□□□□成以下七百餘人旣入重
圍並就擒獲□□□載以牛車仁薦司勳式猷

清廟仍變斯獷俗令沐露猷露寃塞□先□□烹鮮
製錦必選賢良度使剖符績邁於鞮黃□□高於卓
魯凡置五都督卅七州三百五十縣戶廿四萬口六百
廿萬各齊編戶咸變夷風大書□觀□□□所以旌其

善勒辭鼎銘景鍾所以表其功□州長史判兵曹賀遂
亮濫以庸才謬司文翰學□□氣□風雲職号將軍
願與廉頗之列官稱博士猶□賈□之衡不以衰容猶
□□□□戈□□□□□□□□九□□□□□
□□□□□□乃□□□□□□□□□□□□
□□□□□□乘田同天□永久□□□島與日月□長
懸其□曰

悠悠遂古□□□□□□□化權輿□□□□
飲□居以糸以□或改或漁□□□□□□□及
□□代非一主揖讓唐虞革命湯武□□□□□均九

土屨擾干戈式□□未□西□□□□我

聖皇□叶穹蒼□□千古□□□□□遠徼遐哉大

荒咸□正朔□□□疆□□□□□三光叛埃障國

羣凌水鄉天降飛將豹□龍驤弓彎月影劔動屋芒獵

貅百萬電舉風揚□□□□□□□棄冰銷夏日葉碎

秋霜赴赴□□明明号令□□廟□□齊軍政風嚴草

衰日□□淨霜戈□□□□□□□□□勁

巨□授首通誅請命□□□邊隅□□嘉樹不翦□

□□□□□□□□□□□□□□□□□□□□□

□□用紀殊功拒□□□永固回地軸以無□

顯慶五年歲在庚申八月己巳朔十五日癸未建

東史云唐高宗顯慶五年新羅武烈王上表言進貢之路經百濟高句麗輒爲兩國所梗帝大怒遣將軍蘇定方領舟師渡海征百濟與新羅將金庾信夾擊大破濟兵虜其王義慈草其國置熊州都督府刻石爲埕於白馬江上以紀功煥者陵州刺史賀遂亮書者洛州河南權懷素至今占埕歸然立道左未幾唐又遣李世勣平高句麗寘安東都護府已而兩國之地皆爲新羅所併三韓始合爲一今案權懷素考其世代乃非善草之上人也筆畫蒼勁結構嚴整一變

六朝之體始知問架之法已在顏柳之前而精神風韻少遜於歐褚然想是當善書名者可稱東方古蹟之首矣歲戊午陽月上澣三韓洪良浩識

按此碑文凡二千餘字前段七十餘行俱完好闕字無幾後五十行則大半泐矣新唐書高宗紀顯慶五年三月辛亥左武衛大將軍蘇定方爲神邱道行軍大總管新羅王金春秋爲嶠夷道行軍總管率三將軍及新羅兵以伐百濟八月庚辰蘇定方及百濟戰敗之十一月戊戌蘇定方俘百濟王以獻舊唐書紀五年三月辛亥發神邱道軍伐百

濟八月庚辰蘇定方等討平百濟面縛其王扶餘
義慈國分爲五部郡三十七城二百戶七十六萬
以其地分置熊津等五都督府十一月戊戌朔邢
國公蘇定方獻百濟王扶餘義慈太子隆等五十
八人俘于則天門責而宥之蓋自三月發兵伐百
濟至十一月獻俘其踰八月而其平百濟在八月
僅踰五月耳碑立于五年八月十五日癸未計其
平百濟之日在庚辰爲八月十二日是立碑卽在
平百濟後三日也新唐書百濟國傳永徽六年新
羅誅百濟高麗靺鞨取北境三十城顯慶五年乃

詔左衛大將軍蘇定方爲神邱道行軍大總管率
左衛將軍劉伯英右武衛將軍馮士貴左驍衛將
軍龐孝泰發新羅兵討之自城山濟海百濟守熊
津口定方縱擊虜大敗王師乘潮帆以進趨真都
城一舍止虜悉衆拒復破之斬首萬餘級扶其城
義慈挾太子隆走北鄙定方圍之次子泰自爲王
率衆固守義慈孫文思與左右縋而出民皆從之
定方令士起堞立幟泰開門降定方執義慈隆及
小王孝演酋長五十八人送京師平其國折置熊
津馬韓東明金漣德安五都督府擢酋長治之

命郎將劉仁願守百濟城左衛郎王文度爲熊津
都督九月定方以所俘見詔釋不誅是定方獻俘
在九月與本紀之作十一月小異也舊唐書傳與
此畧同新書傳蘇烈字定方以字行舊書傳直作
蘇定方今碑亦直作定方蓋其以字行者久矣舊
傳云高宗以破賀魯功遷左驍衛大將軍封邢國
公顯慶五年授熊津道大總管率師討百濟百濟
平遷左武衛大將軍新書傳云高宗以賀魯功拜
左驍衛大將軍邢國公後以定葱嶺加食邢州鉅
鹿三百戶遷左武衛大將軍出爲神邱道大總管

率師討百濟据碑則左武衛正在討百濟之先舊傳在百濟平之後誤也碑又載同率兵者有副大總管冠軍大將軍□□□衛將軍上柱國下博公劉伯英副大總管使持節隴州諸軍事隴州刺史上柱國安夷公泐其姓名副大總管左□軍將軍金泐其名行軍長史中書舍人□□儀泐其姓監□軍總管右屯衛郎將上柱國祝泐其名右一軍總管使持節蒲州刺史上柱國□元嗣泐其姓曠夷道副總管右武衛中郎將上柱國曹繼叔行軍長史岐州司馬杜爽右一軍總管宣威將軍行左

驍衛郎將上柱國劉仁願右武衛中郎將金良圖
左一軍總管使持節沂州刺史上柱國口延口姓
名上下泐凡姓名泐者既無可攷而姓名全者兩
史亦無傳以百濟傳證之則有劉伯英馮士貴龐
孝泰及仁願王文度等名當卽碑中所列諸人也
碑云置五都督當卽其國所統之五部卅七州卽
其國五部所轄之三十七郡二百五十縣卽其國
之二百城惟云戶廿四萬口六百廿萬與傳不同
耳揆文者口州長史判兵曹賀遂亮已見文內故
不復列于文之前後事跡亦無可攷然其文則整

練華瞻善狀涉險破敵事情可稱鉅構書碑者洛州河南權懷素不署官位想其時同在軍中也此二人者文名書名皆不盛傳碑又遠在海東無人傳揚諸金石家皆未著錄此本係門人常熟言朝標得之持以相贈而未悉其揭從何處洪良浩跋所稱白馬江稽之盛京通志亦不能得其在考薛居正五代史已云百濟在高麗之南渡海始至其地在唐時分郡縣唐末盡爲高麗所有據此則此碑當在高麗矣今未能懸定姑詳識之碑云泗水挺厥九宴遂發泗與洵同涌也水聲也厥同

妖字書無雙字九雙未詳又云外棄直臣內信祇
婦此益列百濟之罪狀稽之百濟傳未嘗叙及績
著旗常當作旂常說文分旗旂爲二字音義俱別
其旂常自是旂字此則通用也

朗空大師塔銘

廣木高廣尺寸行數
字數皆無考行書

上錄

收領永以住持秋七月大師以甚愜雅懷始謀栖

止此寺也遠連四岳高壓南溟溪澗爭流酷似金口之
谷巖巒閭峻疑如紫蓋之峯誠招隱之幽坵亦栖禪之
佳境者也大師遍探靈巖未有定居初至此山以爲終

焉之所至明年春二月初大師覺不念稱染微疴至十
二日詰旦告衆曰生也有涯吾將行矣守而勿失汝等
勉旃跌坐繩床儼然就滅報齡八十五僧臘六十一于
時雲霧晦冥山巒震動有山下人望山頂者五色光氣
衝於空中中有一物上天宛然金柱豈上智順則天垂
花蓋法成則窆歛靈棺而已哉於是門人等傷割五情
若亡天屬至十七日敬奉色身假隸于西峯之麓

聖考大王忽聆遷化良惻仙襟特遣中使監護葬儀仍
令吊祭至三年十一月中改葬於東巒之頂去寺三百
來步全身不散神色如常門下等重觀慈顏不勝感慕

仍施石戶封閉大師資靈河岳稟氣星辰居縷褐之英
應黃裳之吉由是早拓禪境久拂客塵禪二主於兩朝
濟羣生於三界邦家安太魔賊歸降則知大口真身觀
音後體啓靈關而敷揚至理開慈室而汲引靈流生命
示亡效鶴樹歸真之跡化身如在追雞峯住寂之心存
歿化人始終靡道可謂定慧無方神通自在者焉 第
子信常禪師周解禪師口侃禪師等三百來人共保一
區皆居上足常勤守護口口追攀每念巨海塵飛高口
電絕累趺魏闕請樹豐碑今上克纘洪基恭承口錄欽
崇禪化不異前朝贈諡曰朗空大師塔名白口栖霞之

塔爰命微臣宜口堯曰仁澆固辭不獲口口之從輒課
非詞式揚口口譬如提壺酌海莫知溟口之深執管窺
天難測穹口下缺

此帖爲朝鮮使臣趙秀三所贈云是晉時金生所書
碑內未載金生姓氏字體文體亦不似晉魏人所作
大約是唐碑若無書籍可攷

言朝
標跋

按此碑與百濟碑皆常熟言君所贈碑係裝本背
用朝鮮官文書殘紙標成尚有印文方二寸九曲
篆惜模糊難識也碑首尾殘闕玩其文義當是朝
鮮國中某寺之碑寺之所在云高麗南溟省謂東

國之南也云明年三年前段當有紀元蓋已缺矣
日報齡猶言世壽也曰假隸猶言權厝也皆彼國
之措辭碑書柄作柄衝作衝靈作靈弟作第儼作
儼壺作壺幽坵卽幽墟不念卽不豫安太卽安泰
或通或借或別體皆六朝遺法而文體書體整練
渾厚則初唐之佳構也書人無姓名可攷撰人名
仁澆見于文中無年可繫姑附百濟碑後言君字
泉雲乾隆己酉進士由刑部郎出爲四川夔州府
知府生平嗜古故能搜採如此

□令賓墓志

石廣一尺八寸六分高一尺七寸八分十七
行行十七字正書在孟縣學宮齊賢祠內

□□□□□墓誌

□□□□令賓南陽人也帝顓頊之苗裔曾□□□魏

征西大將軍祖伯齊北銀州刺史□□隋歷停縣並蘊

山岳之高節苞河漢之□□奕葉光華名流千載也君

德懷邈遠志

尚

清居惟張議之憤□□□之貞粹行

齊

三淫情欣五柳隱不遂□

病

由斯起災風濫及先拂

高花忽於顯慶五年十二月廿六日卒於家第春秋八

十有一但以死生契闊幽明有殊卽以辛酉之年月己

酉之日葬河陽西北九里冥冥有分腸之痛永永有莫

觀之悲酸哽不紀其切刊石題之不朽嗚呼哀哉乃爲
銘曰

峩峩高德森森懷深志尚冲寂榮位無心神情亮遠清
居可彝道於時外名利何復舒散口候放口情沉痼疾
因動大漸相臨死生口闔運往無禁形雖忽謝永播芳
暗

右唐河陽某君墓志銘缺一角不得其姓其令賓二
字亦似非名但當爲字至所云南陽人又云卒于家
第又云葬河陽西北九里是則南陽乃其家第而河
陽卽南陽矣厥後李白撰韓文公父仲卿碑云南陽

人新史因加鄧州字遂啓千古爭辨之端蓋不知南陽卽河陽之古名而唐時所通稱者也今得此志豈非文公爲孟人之一證乎卽張徐州墓志亦正同矣至唐書宰相世系表言頡帝者不一而此言祖伯齊北銀州刺史者表旣無之又其曾祖并父名在石缺處可惜也書有古法兼餘逸致今移存縣學云

孟縣志

按此碑標題缺五字只存墓誌二字其某姓當在缺字中文於首行上缺四字下存令賓二字似係君諱某字令賓其名亦當在缺字中也令賓爲南陽人而葬于河陽西北九里南陽有二處一爲郊

縣地東魏置南陽郡析置南陽縣爲郡治齊周因之隋開皇三年郡廢十八年改南陽縣爲期城大業初廢唐以其地併入郟城縣屬河南道汝州一在鄧州南陽郡屬山南道有南陽縣武德八年廢宛州來屬河陽縣屬河北道初屬懷州顯慶二年屬洛州後爲孟州治則是南陽河陽顯然二處其居第及葬處在河陽其先世則爲南陽人唐人撰誌傳往往追稱其舊貫此爲先籍無疑特不知是汝州舊稱之南陽抑鄧州現屬之南陽耳河陽古無南陽之名孟縣志河陽卽南陽者恐非也文云

怪張議之贖口張議疑卽指張儀行齊三涇情欣
五柳當是以三涇比其清五柳比其高許敬宗嘗
作小池賦有云引八川之餘滴通三涇之洋溢蓋
當時有此語也辛酉爲顯慶六年令賓以五年庚
申十二月卒以辛酉年葬葬之日以己酉不知爲
何月碑但有月字

岱岳觀碑

題記除兩側外其計二十有二則前後刻二石石各
高八尺六寸廣三尺七分皆兩面刻其第一面作三
截書第二面作四截書第三四兩面皆作五截書行
數字數各自分注于後在泰安縣泰山老君堂內

顯慶六年二月廿二日

勅使東岳先生郭行真弟子陳蘭茂杜知古馬知止奉
爲 皇帝皇后七日行道并造素像一軀二真人夾
侍

又

此在第一面次截右偏
四行行十七字正書

儀鳳三年三月二日大洞三景法師萊法善奉 勅

於此敬口修齋設河圖大□一□

勅敬造壁畫元始天尊萬福□□□德旣畢勒石紀年

又

此在第二面上截十一行行十
三字末行官名計二十字正書

大周而稭二季歲次辛卯二⑤癸卯玊十⑥壬子金臺
觀主中岳先生馬元貞將弟子楊景塵郭希塵內品官

楊君尚歐陽智琮奉

聖神皇帝勅緣大周革命令

元貞往五岳四瀆投龍作功德元貞於此東岳行道章
醮投龍作功德一十二夜又奉 勅敬造石元

始而尊像一鋪并二真人夾侍未此岱岳觀中供奉

口承官宣德即行兗州都督府倉曹叅軍事李叔度

又此在第一面上截左偏六行行
十九字未行二十七字正書

大周萬歲通而貳季歲矣丁酉東明觀三洞道士孫文

僖奉 而冊金輪聖神皇帝肆口口 勅將侍

者此欽元詣此岳觀祈請行道事畢敬造石而尊像壹

軀并貳真人侍庶茲景福永奉 聖躬聊紀其聖因

傳不朽

專檢校傅城縣主簿關鑿博錄事張則生護軍□□
□□□□□勒石紀年

又

此在第二面上截十四行行
十一字十四字不等正書

大周聖德元垂歲次戊戌臘④癸巳朔貳②甲午大鹽
道觀主桓道彥弟子晁自揣奉 勅於此東岳設金

錄寶齋河苗大醮漆②行道兩度投龍遂感慶雲參見
用齋醮物奉爲 而冊金輪聖神皇帝敬造等身老君
像壹軀并貳真人夾侍

專當官傅城縣尉李嘉應

兖州團練使押牙忠武將軍守左武衛大將軍上柱
國趙俊

兖州團練使都虞候銀青光祿大夫試衛尉卿上柱
國高晃

又

此在第一面第二截右偏九行行十三
字其末二行廿一字十七字不等正書

久視二季太歲辛丑丑匝乙亥朔二②丙子神都青元
觀主麻慈力親承 聖旨內賫龍璧

御詞繪帛及香等物詣此觀中齋醮功畢伏願 我

皇萬福實業恒隆敬勅昌齡莫同礪而無朽 侍者道士

麻宏信

祇承官朝散郎行兗州都督府參軍事攝□□□希

□

祇承官登仕郎行兗州都督府錄事到□

又

此在第二面第二載十五行行十七字至十三字不等正書

長安元季歲次辛丑十二匝己亥朔廿三②辛酉道士

金靈觀主趙敬同侍者道士劉守貞王懷亮等奉十一

匝七②

勅於此太山岱岳觀靈壇修金錄寶齋三

②三夜又□觀側靈場之所設五岳一百廿槃醮禮金龍王壁並投山訖又□鎮綵紗繪敬造東方玉寶皇上而尊一鋪并二真至仙童玉女等夾侍□□□供養

其②祥風口息瑞雪便口香燭 氤氲○匪明朗神靈
降祉吉祥事畢故刻石記時勒名題②

專當官宣義郎行博城縣丞公孫杲

專當齋并檢校像官博城縣主簿口口口董仁智

都檢校官口議郎兗州大都督府戶曹參軍王果

又此在第三面第二截十四行行
十三字至十六字不等正書

大周長安肆季歲次甲辰玖匪甲申朔捌②辛卯

勅使內供奉襄州神武縣雲表觀主應都大洞參景弟
子中岳先生周應度并將弟子貳至金州西城縣靈宮
觀道士梁悟靈奉參匪貳拾玖② 勅令自於名山

大川投龍璧偕无上高元金烈玉清九轉金房度命齋
叁②叁夜行道陳設醮禮用能而堪清和風雲靜默神
靈効祉表 聖壽之無窮者也

專當官朝散郎行參軍燉煌張浚并書

專當官文林郎守博城縣主簿韓仁忠

專當官宣德郎行□□□劉聖機

又 此在第一面第三截十二行行
廿三字至廿七字不等正書

大周長安四季歲次甲辰十一 區癸未朔十五②丁酉
大口□觀威儀師邢虛應法師阮孝波承議郎行宮闈
丞□□慈卻□□等奉 勅於東岳岱岳觀中建金

錄大齋冊九②行道設醮奏表投龍薦璧以本命鎮綵
物奉爲 皇帝敬造石□□皇上而尊一鋪十事并
壁畫而尊一鋪廿二事敬書本際經一部度生經千卷
□□功德奉福 聖躬其匪四②已前行道之時忽
見②匪揚光加以拖戴俄頃之際□□頓殊遂有紫霞
□之黃雲牙興遍滿□場善成功德觀□嘉瑞敢不書
之齋醮既終勒文于石

專管官宣德郎行兗州都督府參軍事金處廉

專管官文林郎守博城縣主簿韓仁忠

專管官岳令劉□□

又此在第二面三截右偏九行行
十三字至十六字不等正書

大唐神龍元年歲次乙巳三月庚辰朔廿八日丁未大
靈道觀法師阮孝波道士劉思禮品官楊嘉福李立本
等奉勅於岱岳觀建金籙寶齋卅九人九日九夜行
道并設醮投龍功德既畢以本命鎮綵等物奉爲
皇帝皇后敬造石靈真萬福天尊像一鋪

給事郎試太子中允劉秀良書

又此在第二面下截右偏
九行行廿八字正書

大唐景龍二年歲在戊申二月甲子朔十二日乙亥大
龍興觀□□□□
勅往東岳陳章醮薦龍璧以其

月廿七日辛卯於岱岳□并□□□□□設金錢行道
凡日九夜燒香燈□□并設五岳名山河圖等醮□
三□功德事畢奉用 本命紋繪 及餘鎮綵

敬造鎮國 □□□□皇猷永固與靈岳而恒安國祚
長隆等座都而自久朝議郎行充□□軍事王幹胡散
郎行兗州都督府參軍事上柱國兼直安樂公主府□
□乾封縣令上柱國張懷貞僑林郎行乾封縣主簿騎
都尉韓仁忠等恭□ 睿旨沐浴身心虔拜靈壇勤
亦至矣稽首 无上□□

太山巖巖芳凌紫氛中有羣仙芳采白雲陳金薦璧芳

□□□

又

此在第四面上截十六行行十四字至十六字不等正書

大唐景龍三年歲次己酉三月戊午朔十九日景子奉
勅令邳州龍興觀主杜太素蒲州丹崖觀監齋呂皓仙
京景龍觀大德曹正一等三人於此太山岱岳觀建金
錄大齋報賽前恩追濟究等州大德卅九人七日七夜
轉經行道設河圖大醮更祈後福以申告請七日之中
遂呈四瑞白鶴騰輝拂霞莊而矯色黃雲覆彩映巖穴
以通光絲雨飛禎家示九年之蓄烏曠抱藪壽返于載
之君紀時日於青郊勒奇工於翠碧夾紵像一鋪十

一事二 聖本命鎮綵循造

戶曹盧返口

縣令張懷貞

主簿韓仁忠

又

此在第四面第二截行偏
十二行行二十字正書

景雲二年六月二十三日皇帝敬憑太清觀道士楊太
希於名山斫燒香供養惟 靈蘊必凝真含幽綜妙類
高吳之亭育同厚載之陶鈞蓄洩烟雲蔽虧日月五芝
標秀八桂流芳翠嶺万尋青溪千刃蛻裳戾止恒爲碧
落之蓮鶴駕來遊卽是玉京之城百祥覃於遠述五福

彼於黎元往帝所以馳心前王由其載想朕恭膺寶位
剛守昌圖恐百姓之不寧慮八方之未泰式陳香薦用
表深衷寔冀朋靈降茲休祉所願從今以後決寓常安
朕躬男女六姻永保如山之壽國朝官寮萬姓長符擊
壤之歡魚鳥遂性於飛沉爽狄歸心於邊徼實希靈鑒
用副翹誠今因練師遣此稟悉

又

此在第三面第三截十二行行
十五字至十七字不等正書

大唐景雲二年歲次辛亥八月癸卯朔十四日景辰蒲
州丹崖觀上坐呂皓仙奉今年閏六月十九日 勅往
東岳及萊州東海投龍并道次靈跡循功德將弟子二

人蒲州靈仙觀道士杜含光丹崖觀道士王元慶道士
孫藏暉於此三日三夜卅九人金籙行道設齋醮并投
詭

朝議郎行倉曹叅軍陸大鵜朝議郎行兵曹叅軍高
吸通直郎行叅軍袁幹時宣義郎行瑕丘縣丞裴遇
等奉 都督齊國公崔處分令此起居 呂尊師

時屬仲秋謹題斯記

又

此在第四面第三截十六行行
十三字至十七字不等正書

歲六月 我皇有意于神仙 勅使正議大夫內給
事梁思陀寺伯俱鑿明等与道士任无台於東岳太山

投龍合練寵以紫綬送以紺錢皇皇焉濟濟焉乘傳而
來矣 都督韋君仰 帝命遠挹使車爰擇幹明式
經構葺朝議郎行功曹蓋寘疑宣德郎行參軍李烈恭
行郡命屈茲岱嶺因太山之木用近于之人鑿碧巖壘
丹竈列星柱亘虹梁匠無宿春農不下德嘗未浹日厥
功已成棟宇已來莫籌其速乾封主簿趙春持劇務以
應諸摠群事而趨走恪勤匪懈不遑自寧息徒庀工刻
詞貞石于時開元八年歲次庚申七月壬子朔廿日辛
未畢此功也

□尉攝此縣盧焜

又

此在第四面第二截右偏四行
行十五字至十八字不等行書

開元十九年十一月都大鑿道觀主張遊霧京景龍觀
大德楊琬建立真君於此修齋三日三夜

專當官朝散郎曲阜主簿上官賓

登仕郎乾封縣尉王去非

又胡紉等題名

此在第四面第四截右偏五行
行十字十四字不等左行行書

開元廿年二月口口日 勅使內侍省內謁者監胡紉
判官掖庭局監作窻君愛

口上騎都尉王元口

專知官登仕郎行乾封縣尉王去非

又魏成信等醮告題記

此在第三面第四截十一行十七字行書

大唐大觀七年太歲壬子正月癸未朔廿三日乙巳奉

勅於岱岳觀修金錄齋醮及於瑤池投告事畢

故題記

修功德 中使內侍魏成信 判官文林郎守內府

丞劉元載

判官掖庭局丞楊彥瓊

小使掖庭局丞魏貴環

使內供奉道士申昇靈

使翰林供奉道士王端靜 山人王昌宇

弟子道士李日榮駱真運

大叔法澄

行官陳寧 同勾當官朝議郎行乾封縣尉郭璵

專知齋醮檢校官朝議郎行兗州叅軍王楚典

李志晟 張守珪 行官郭元光 劉仙塊

又 此在第一面下截十五
行行十七字左行正書

大曆八年歲次癸丑九月癸酉朔廿八日

繼功德中使正議大夫守內侍省內侍員外同正員上

柱國魏成信

判官文林郎守內府丞劉元載

小使文林郎守掖庭丞魏貴珣

翰林供奉道士王端靜等奉今年六月□日

勅於東岳觀金錄行道七日七夜及□瑤池投告□□

高宗 □宗□□□□□□□□并造碑□六所並同

此記

專知官昭武拔尉守左金吾衛□□□

專知檢校醮祭官文林郎兗州瑕丘縣尉□□

同檢校官宣義郎行乾封縣尉金□□

承奉郎守乾封縣令劉難

山人劉□濟 山人王□宇 隨便□□

又淄州刺史遊記

此在第四頁第四截右偏七
行行十二三字不等行書

淄州刺史王固 □□□□□山人王□宇大寧
十四年二月廿乙日同登秦嶽時真君道士卜皓然植
歲道士郭紫微各攜茶菓相候于回馬嶺因愍於王母
池登臨之興無所不至

駢使官樂瓊題記

祭岳官題名

此分刻第三四兩面下歲共十
九行行五字六七字不等行書

鴻臚少卿□偃

祭岳使駢使官□□ 率府兵曹參軍□□ 門下令

□□爽□ 節度逐要官太□□事舍人郭□□

山人王昌寓

左金吾兵曹參軍□□ 太常卿李□超 祭岳使□
□ 亞獻觀祭□□ 終獻禮部□□ 侍御史充州
□□節度押牙殿中□節度都遊奕使事□□濟 充
州司馬高□ 團練判官前章□

建中元年

平盧留□□度判官中大夫檢校尚書戶部郎中兼侍
御史敬春

節度押牙中大夫試殿中監馮珣 山人呂滔

文林郎守充府兵曹參軍田浩 文林郎任城縣尉高
錕

朝散大夫行任城縣令權知乾封縣令楊序

節度使官朝散郎試光祿寺主簿明幹

唐建中元年二月廿九日同口口岳因詣瑤池故志

之

右在第一側下卷

任要等祭嶽記并詩

此分刻在第二面第三四兩面
左偏記六行詩八行行十九字

二十字至廿二
字皆左行行書

檢校尚書駕部郎中使持節都督兗州諸軍事兼兗州
刺史侍御史充太州團練使任要貞元十四年正月十
一日立春祭嶽蓬登太平頂宿其年十二月廿二日立

春再來致祭茶宴于茲

同遊詩客京兆韋洪 押

衛王遷運 乾封縣令王忬 尉邵程 嶽令元賓

造車十將程日昇後到續題

臘月中與韋戶曹遊發生洞徘徊之際見雙白蝙蝠

三飛靈洞時多異之同爲口占 任要

山翠巖靈洞洞深竈想微一雙白蝙蝠三度向明飛雖
言有兩翅了自無毛衣若非飽石髓那得騰□□偶見
歸堪說殊勝不見歸

同前

韋洪

欲驗發生洞先開冰雪行窺臨見二翼色素飛無聲狀

類白蝙蝠幽感騰化精應知五馬來啓整口春榮露冕
口之久鳴騶還慰情

碑兩側

碑兩側皆廣九寸一作上下二截上截係武后時詩五
行下截六行一作五截其第三截詩六行餘或四行
五行皆題名惟第一截係宋
政和題記七行左行皆行書

五言 早春陪 勅使麻先生祭岳

行博城縣令馬友鹿

我皇盛文物造化而坐先鞭撻走神鬼玉帛禮山川遂
下鄧洲使來遊紫洞前青羊得處所白鶴口時羣度懸
飛龍記昭彰化鳥篇巖風牛山水鍾氣摠雲烟光抱口

□②霞明五色而山橫翠嶽外宇□深潭邊侵蕨仄
暖焚林火欲然季光著草樹春色換山泉伊水來何②
嵩巖去幾千山疑小而下壘是會神仙菜令乘鳧入浮
丘駕鶴旋麻姑幾學歲三見海成田

右在第一樹上書

五言 贈諸法師

宣義郎行博城縣丞公孫杲

駕鶴排巖霧乘鸞入紫烟
凌晨味潭菊薄暮玩峯蓮
玉菜伍梁下金繩引窗前
嘯傲雲霞際留情□□年

大曆七年正月廿五日徐修文來記

右在第二側第三卷

岱嶽寺主良素

岱嶽觀上座蓋太虛觀主趙元監齊許林 王瑤 王

希喬

岱嶽山人王寓 渤海高暉

徂來山人高季良 戶曹參軍魏嘉禮檢校齋 解

張寔

右在第二側第二卷左行

岱岳觀主道士趙昌元 使下行劉伯川

大道弟子鄭仙芝

天師下行官邊阿秀 張友朝

守鄆州盧縣丞權知岱岳令畢從勸 羊希復

乾封縣令劉難 石近濟仙觀岳

右在第二側第四截左行

上清靈都大洞三景口口口口嶽

真君廟院主檢校道門道士卜皓

岱岳觀三洞法師尹口口 萬歲觀主道士

右在第二側下截

泰山之東南麓王母池有唐岱嶽觀今存小殿三楹
土人稱爲老君堂其前有碑二高八尺許上施石蓋

合而束之其字每面作四五層每層文一首或二首
皆唐時建醮造像之記周環讀之得顯慶六年一首
儀鳳三年一首天授二年一首萬歲通天二年一首
聖歷元年一首久視二年一首長安元年一首四年
二首神龜元年一首景龍二年一首三年一首景雲
二年三首開元八年一首大歷七年一首建中元年
一首其空處又有唐代人題名書法不一東側面有
詩一首其下題名西側面題名亦有詩一首中二側
面皆無字唐碑存於泰山者唯此及元宗泰山銘蘇
頌東封朝覲頌二文皆磨厓刻於山上而此碑在山

下以小而雙束故不仆書非名筆故摹拓者少而獨
完至今因歎唐時六帝一后修齋建醮凡二十許其
此二碑亦異乎近代之每歲一碑以勞人而災石者
矣但不知趙德甫金石錄何以不收恐古人碑記失
傳者正多耳碑下爲積土所壅予來游數四最後募
人發地二尺下而觀之乃得其全文云 碑凡大周

年者天作而地作堊人作至聖作堊臣作思年作季

月作㊦亦作㊧

韻會以㊧爲生字誤考此碑及順陵碑㊧字並是月字

日作㊨

星作○正作㊩授作㊪

契苾明碑授作盤

初作㊫唯屐字無

可考疑是應字凡數字作壹貳叁肆捌玖等字皆武

后所改及自制字其鑿歷年記有云設金籙寶齋河

圖大醮^①麥古七字太元經元攤曰違諸麥政元

稅曰稅擬之二麥方言曰吳有麥娥之臺晉東晉元
居釋夕宿

七娥王莽候鉦銘候鉦重五十麥斤是也後人不知

妄于左旁添鑿三點淺而大又稍偏知非一筆唐碑
書七

字亦有作麥者今墨子書周公旦朝讀書百篇夕見
漆十土張參五經文字七作漆後人省筆作麥麥卽

漆之草書趙古則謂以七漆二字合成造之非也山
海經剛山多柒木水經注漆水下有柒縣柒渠柒溪

字皆作柒柒今舊唐書睿宗紀先天二年三月癸巳
作柒又柒之省

詔制敕表狀書奏牋牒年月等數作一十二三十三

四十字是知前此皆借壹貳等字矣不知其始於何

年也 程大昌演繁露曰古書一爲弋二爲式三爲
式蓋以弋爲母而一二三隨數附合以成其字特不
知單書一畫爲一單書二畫三畫爲二爲三起自何
時今官府文書凡其記數皆取同聲而點畫多者改
用之於是壹貳叁肆之類本皆非數直是取同聲之

字借以爲用貴點畫多不可改換爲姦爾本無義理

若十之用拾八之用捌九之用玖尤爲不倫

韻會捌
破聲劉

欽定初賦石
捌破之出出亦有似可相通者易之參天兩地左傳

自參以上則往稱地來稱會是嘗以參爲三矣

考工
記埃

矢參分第矢參分莊子參月而後能外天下史
記滑稽傳飲可入斗而醉二參並以參爲三顏子

不貳過士有貳宗國不堪貳爲其與正爲副則貳之
爲貳尚或可以傳會矣在顏師古時江克傳固已訛
大臺爲太壹又薛宣傳本日壹笑爲樂而俗本乃改
壹笑爲壹矢此時一已爲壹矣若元本不用壹字則
一字本止一畫何緣轉易爲壺也又今漢書凡一字

皆以壹代

詩壹醉日富壹者之來大學壹是皆以修身爲本周禮典命其士壹命公羊襄公二

十九年傳許夷則一變謂壹已在師古之前矣

狄者不壹而足謂叙傳班壹當作一流然向古今經史凡書千百之

俗本改壹爲訛非也
字無有用阡陌之阡伯叔之伯者予故疑舊本不曾
改少畫以從多畫也然不能究其起自何時 洪氏

容齋隨筆曰古書及漢人用字如一之與壹二之與
貳三之與參其義皆同鳴鳩序刺不壹也又云用心
之不一也而正文其儀一也表記飾以壹惠注言聲
譽雖有衆多者飾以其行一大善者爲諡耳漢華山
碑五載壹巡狩祠孔廟碑恢崇壹變祝睦碑非禮壹
不得犯而後碑云非禮之常一不得當則一與壹通
用也孟子市價不貳趙岐注云無二價者也本文用
大貳字注用小二字則二與貳通用也易繫辭參天
兩地釋文云參七南反又如字音三周禮設其參注
謂卿三人則三與參通用也 册府元龜文宗太和

二年十月詔天后所撰十二字並却書其本字今按景龍以後碑志之文固皆書其本字矣不知何以復有此詔 陪勅使麻先生祭岳詩在岱岳觀東側面其文剝蝕不全久視二年記所稱神都青元觀主麻慈力卽其人也武后造之至觀修醮神都卽東都故有伊水嵩巖之句 岱嶽觀王圓題名此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩此碑前文從右方起後詩并題名或從右方起或從左方起每層高下多寡參錯不一以文意筆法求之乃可辨其

起訖凡唐人紀遊題名皆就舊碑之陰及兩旁書之
前人已題後人卽於空處插入大小高下皆無定準
宋初亦然自大中祥符以後題名者乃別求一石刻
之字體始得舒縱亦不與舊文相亂然石小易於搬
取故題名愈多而存者愈少今之溝渠碾磨之間皆
是物矣此碑西側面又有宋政和甲子題名一條

又按茶薺之茶與荼苦之茶木是一字古時未分麻
韻茶薺字亦只讀爲徒東漢以下乃音宅加反而加
字音居何反猶在歌戈韻梁以下始有今音又妄減
一畫爲茶字此碑兩見茶字皆从草从余可見唐時

字體尚未變爾雅檮苦茶廣韻九麻中有茶字又有
茶字注曰俗是也 又任要題名貞元十四年正月
十一日立春祭嶽遂登太平頂宿其年十二月廿一
日立春再來致祭茶宴于茲曰茶宴者蓋唐時祭畢
猶不用酒今不然矣

金石文
字記

記凡有八天授年間者一萬歲通天年間者一聖歷
年間者一久視年間者一長安年間者一其中文內
數目字作壹貳叁肆捌玖等字謂皆武后所改顧亭
林證以演繁露謂古已並作此字唯古文經史凡書
千百之字無有用阡陌之阡伯叔之伯者以余攷此

書阡伯字經或無文然記傳益嘗有之矣管子四時篇修封疆正千伯注千伯卽阡陌也董仲舒云富者田連阡伯過秦論起阡伯之中而漢書食貨志商君壤井田開阡伯此數字雖不專以數日言然阡伯與阡陌字古亦同用至志下文云商賈亡農夫之苦有阡伯之得師古曰阡謂千錢伯爲百錢則數目字亦作阡伯如是見于史者非其徵與

周書克殷解命南宮百達遷九鼎揚

用修云百達卽伯達百與伯亦同用

又顧氏引冊府元龜文宗太和二

年十月詔太后所撰十二字並却其本字今按景龍以後碑誌之文因皆書其本字矣不知何以復有此

詔子檢容齋續筆唐中宗既流殺五王再復武氏陵
 廟右補闕權若訥上疏以為天地日月等字皆則天
 能事賊臣敬暉等輕紊前規削之無益于淳化存之
 有光于孝理疏奉手製褒美據此則偽換字已復行
 至文宗乃見于詔文始以掃除其迹耳顧氏殆亦未
 之詳也與授堂金石跋

右雙碑合而為一以石束之凡四幅及碑側碑額題
 字三十四段文字大小參差不一尤據此碑書錄自

國朝顧亭林始予至山左更搜拓全本較顧為多
 內稱大歷十四年二月廿七日同登秦岳為淄州刺

史王圖案天寶元年改刺史爲太守此當大歷將稱
刺史由至德二載官名復舊也又建中元年二月有
節度判官中大夫檢校尚書工部郎中兼侍御史敬
謩見唐書宰相世系表謩建州刺史書謩爲謩表誤
也又有朝散大夫行任城縣令權知乾封縣令楊序
序亦見表觀王房但未著其歷官亦有闕漏也又有
文林郎守兗府兵曹叅軍兗州爲大都督府故有府
稱其稱節度驅使官者濟鎮自所署置威權移於此
矣顧氏自述來遊數四募人發地得其全文今元更
爲補遺如此益嘆搜奇難盡也

山左金石志

按此碑今俗稱鴛鴦碑二石合爲一兩面兩側其
刻三十二段今所錄者惟唐刻尚有皇祐政和題
名三段應入于宋此不錄也碑書次叙參錯今依
年號次第錄之而某段在上下前後左右仍詳註
于各條之前後題之有年號者始于顯慶六年訖
貞元十四年係屬一碑不宜離析併錄于此其首
條曰顯慶六年二月廿二日高宗本紀是年二月
乙未改元龍朔二月丙寅朔乙未是晦日則廿二
日尙是顯慶六年也郭行真稱東岳先生者道士
而主東岳也未有賜號但謂之先生皇帝爲高宗

皇后卽武后七日行道者謂建道場七月也今道
觀法師齋醮主法者謂之主行卽此行字迺素像
者素與瘞塑通用此爲泰山設醮之始越六年乃
有封禪之舉矣此下曰儀鳳三年大洞三景法師
葉法善兩唐書有傳云法善少傳符籙高宗聞其
名徵詣京師將加爵位固辭不受求爲道士因留
在內道場供待甚厚此所謂大洞三景法師者當
是高宗之賜號三景者雲笈七籤云三洞經第一
洞真第二洞元第三洞神乃三景之元白八會之
靈章此云大洞蓋合三洞而名之法善此時奉敕

於此設河圖大醮也造壁畫元始天尊蓋修齋必兼造像或素或畫相間行之此下曰大周天授二年有道士馬元貞稱之曰金臺觀主中岳先生此中岳猶郭行真之謂東岳也有內品官楊君尚歐陽智琮唐書百官志龍朔二年改內侍監爲內侍省有高品一千六百九十六人品官白身二千九百二十二入此云內品官是內侍省之品官也奉聖神皇帝勅者垂拱四年五月武后加尊號爲聖母神皇以得寶圖于洛水稱之曰天授聖圖其後遂改元建號曰周又加尊號聖神皇帝此是改元

之二年命元貞往岳瀆投龍作功德以告革命之
事元貞于此東岳行道章醮投龍作功德一十二
日夜造石元始天尊像一鋪按韓駒東齋紀事云
道家有金龍玉簡學士院換文具一歲齋醮投于
名山洞府金龍以銅制玉簡以階石制卽此所謂
投龍也顯慶六年行道止于七日此作功德乃一
十二日夜矣凡造像少者止一軀多則謂之一鋪
此天尊像曰一鋪明非一軀也此下曰萬歲通天
二年東明觀三洞道士孫文雋奉天冊金輪聖神
皇帝勅紀稱武后以天冊萬歲元年加號爲神次

年三月改元萬歲通天至是詣岳觀行道造石像
一軀後有專檢校街名謂檢校造像之專官也此
下曰聖歷元年臘月癸巳朔大宏道桓道彥奉勅
設金籙寶齋河圖大醮七日行道兩度投龍造等
身老君像一軀後有專當官銜名其云臘月者武
后自永昌元年改用周正以建子爲歲首臘月者
丑月也武后末年有中丞桓彥範與張柬之等謀
復中宗此有道士桓道彥殆彥範之族歟金籙寶
齋河圖大醮金籙與黃籙同爲道家齋醮之法隋
書經籍志道家潔齋之法有黃籙玉籙金籙二洞

經教王川黃籙者帝之金簡也。劫聖真君傳結壇之法有九中三擅其上曰黃籙延壽壇其中曰黃籙禳慶壇下曰黃籙驅邪壇。唐六典祠部郎中員外郎掌祠祀享祭天文漏刻國忌廟諱卜筮醫藥道佛之事凡天下觀總一千六百八十七所。每觀觀主一人上座一人監齋一人齋有十名。其一曰金錄大齋其二曰黃錄齋。餘不錄其設齋行道之法則六典未詳也。雲笈七籤云順天興國壇凡星位三千六百爲普天大醮延祚保生壇凡星位二千四百爲周天大醮祈穀福時壇凡星位一千二百

爲羅天大醮此云河圖大醮雖未詳其壇位要亦彷彿三壇之儀也行道祇七日而投龍有兩度則其儀有加矣造等身者君像等身者與人身等也此特云等身則其他造像之不等身可知矣專當官者猶言專管官專辦齋醮造像之事也當勾當也亦卽管勾也此下曰久視二年太歲辛丑正月二日丙子神都青元觀主麻慈力資龍璧御詞繪帛香後有祇承官銜名久視元年十月巳復寅正此正月寅正之正月也是歲正月丁丑改元大足正月乙亥朔丁丑爲三日此是正月二日事故仍

稱久視二年周制不避唐諱故直書丙子萬歲通
天元年登封嵩山以岳爲神岳其地爲神都此麻
慈力乃神都青元觀之道士也此次祇是龍壁香
帛之禮無設醮造像之文龍壁謂金龍玉璧非刻
龍於壁也祇承官皆兗州都督屬官承應其事者
也此下曰長安元年歲次辛丑十二月辛丑歲年
號有三初曰久視繼曰大足至十月改元長安此
十二月乃改元以後也道士金臺觀主趙敬同奉
勅修金籙寶齋三日三夜又於觀側設五岳一百
廿槃醮禮金龍玉璧並投山訖又有鎮綵紋繪造

東方玉寶皇天尊一鋪後有專當齋并檢校像
官銜名金錄卽金錄通用字此次修齋祇三日夜
亦云簡矣然所謂設五岳一百廿盤醮禮則已前
所無也玉璧代玉簡投山卽投澗之意鎮綵紋繪
者卽下文本命鎮綵物也造天尊一鋪二真人夾
侍皆已前所有此更有仙童玉女等則初見也觀
後列銜名可知勾當修齋是一事造像是一事而
博城主簿董仁智兼之也下曰長安四年九月勅
內供奉三景弟子中岳先生周元度修度命齋三
日三夜此下卽于是年十一月威儀師邢虛應法

師阮孝波承議郎行宮闈丞某等奉勅建金錄大齋四十九日奏表投龍薦璧以本命鎮綵物造天尊一鋪十事壁畫天尊一鋪廿二事書本濟經一部度生經千卷後有專管官銜名威儀師者道職也宮闈丞者唐書百官志內侍省監從三品少監內侍皆從四品上其屬有六局曰掖庭宮闈奚官內僕內府內坊不云其爲丞據此碑稱行宮闈丞則知六局皆有丞矣承議郎階正六品下是亞于少監內侍也設齋至四十九日又造像一鋪有十事畫像一鋪廿二事書經至千餘卷皆已前功德

所無者專管官猶專當官也此下曰神龍元年三月大宏觀法師阮孝波奉勅建金錄寶齋四十九人九日九夜爲皇帝皇后造天尊像一鋪中宗以是年正月甲辰監國改元神龍丙午復位三月復國號唐此碑在三月故直稱大唐也阮孝波前條但稱法師此則稱大宏道觀法師矣建齋九日夜較四十九日夜者爲簡而四十九人之數則前條所無者末不著專管官而有書人劉良秀銜名與前異也此時武后尚在而修齋造像但爲皇帝皇后兼除之理然也然武后之世履行齋醮固不足

論中宗一旦反正其整飭綱紀必多先務而乃首
蹈武后之轍急急爲此求福之事唐書贊所謂下
愚之不移者此亦其一端也此下曰景龍二年二
月廿七日辛卯設金錄九日九夜燒香然燈并設
五岳名山圖等醮用本命紋繒及餘鎮綵造像朝
議郎王幹等沐浴身心虔拜靈壇勤亦至矣詳玩
此語乃本觀道士所記也二月廿七日辛卯按二
月甲子朔則辛卯是廿八日不知何以云廿七也
五岳名山等醮前條未見又前條皆云本命鎮綵
物此條曰本命紋繒及餘鎮綵是本命與鎮綵物

爲二事也未有太山巖巖方韻評三句非詩非頌
未詳何意竹垞跋以此語爲張懷貞作似亦無確
據此下曰景龍三年三月勅道士杜太素呂結仙
曹正一三人建金籙大齋追濟充等州大德四十
九人七日七夜轉經行道夾紵像一鋪十一事二
聖本命鎮綵修造修齋用四十九人前條不云某
處道士此獨詳言濟充等州大德又行道而加以
轉經亦前所無者云紵像則知非雕非素直以本
命鎮綵裝飾爲之也此下云景雲二年六月皇帝
敬憑太清觀道士楊太希於名山所燒香供養此

段是睿宗手勅有云恐百姓之不寧慮八方之未
泰式陳香薦用表深畏又云朕躬男女六姻永保
如山之壽國朝官寮萬姓長符擊壤之歌方是時
韋氏反逆中宗被弑公主駙馬並遭誅戮男女六
姻之禍亦云慘矣藉茲香薦以冀懺除且惓惓及
于官寮百姓詞旨悱惻較前此之貢諛飾美者異
矣去所燒香者當是于名山所取香木爲供養猶
今人用速梓柏檀之類也碑書于仞作于刃通用
字不作栗則从篆也此下曰景雲二年八月蒲州
丹崖觀上坐呂皓仙奉勅往東岳及萊州東海投

龍并道次靈跡修功德末云陸大鶴等奉都督齊
國公崔處分合此起居呂尊師呂昭仙前條稱蒲
州丹崖觀監齋此則稱爲蒲州丹崖觀上坐殆道
職亦有超擢也此次不獨爲東岳凡道次經過靈
跡皆作功德也都督齊國公崖不署其名新唐書
崔日用傳中宗時日用拜兵部侍郎兼修文館學
士帝崩韋后專制畏禍及更因僧普潤道士王世
私謁臨淄王以自託韋氏平以功授黃門侍郎參
知機務封齊國公坐與薛稷相忿競罷政事爲葵
州長史歷揚汴充三州刺史碑稱齊國公與傳合

而云都督者卽兗州刺史也日用前以僧道之力
得私謁以自託此時失政出守思更假道士之力
以求內召窺見呂皓仙屢奉勅使因遣官起居以
申結納之意則以崔爲日用固無可疑者矣此下
曰開元八年勅使子太山投龍合練龍以紫紵送
以紺錢都督韋君式經構葺因太山之木用近土
之人以七月廿日畢功益紀葺建之事投龍而加
以合練及紫紵紺錢皆前條所未有此下曰開元
十九年觀主張遊霧建立真君修齋三日夜末有
專當官銜名而不云奉勅此下曰開元廿年勅內

侍省內謁者監胡利等又有專知官銜名而不書齋醮之事百官志內謁者監十人正六品下胡利卽此官也此下曰大歷七年勅修齋醮投告瑤池而後有中使判官府丞小使內供奉道士翰林供奉道士山人弟子大叔行官皆前條所未備者又有同勾當官專知齋醮檢校官等銜名此下曰大歷八年奉勅行道七日夜瑤池投告下云造碑口六所則前條所無所勅中使等銜名與上年同後有專知官銜名此下曰淄州刺史王闕等大歷十四年登泰嶽憩王母池樂瑤題記此下是建中元

年鴻臚少卿口偃等祭岳題名此下是貞元十四
年正月十二月兩度立春任要等祭岳題記及詩
同作者韋洪唐書禮樂志五岳四鎮歲一祭各以
五郊迎氣日祭之東岳岱山于兗州此立春日所
以有祭岳之舉然此是歲行常典而留題刻石者
僅見于此任要亦賢刺史矣此下是馬友鹿陪麻
先生祭岳詩麻先生者卽青元觀主麻慈力也此
下是公孫杲贈諸法師詩此下是叅軍岳令觀主
山人等雜題名而岱寺主僧良素亦與焉自馬友
鹿以下皆無年號並附于後總計兩碑中所載八

金石萃編卷五十三
聖
帝一后凡一百三十餘年前後齋醮投告之儀備
詳于此此等正史禮志之所不書裨官傳記之所
未及而遺文軼事亦足以裨史家之考證子故亟
爲序錄而詳說之其任要等所作詩唐音統籤所
未採